

**FEDERALNO MINISTARSTVO RADA I SOCIJALNE POLITIKE
EKONOMSKO- SOCIJALNO VIJEĆE ZA TERITORIJU FEDERACIJE
BOSNE I HERCEGOVINE**

Broj: 03-34/19-3459/12
Sarajevo, 11.12.2012. godine

Z A P I S N I K

sa 92-16. sjednice Ekonomsko-socijalnog vijeća za teritoriju Federacije Bosne i Hercegovine, održane dana 11.12.2012.godine u 15 sati.

Sjednicom predsjedava gospodin Edhem Biber, predsjednik Ekonomsko-socijalnog vijeća. Sjednici prisustvovali:

Iz delegacije Vlade:

Nermin Nikšić, premijer Vlade Federacije BiH i ministri Ante Krajina, Jerko Ivanković-Lijanović, Vjekoslav Čamber, Erdal Trhulj, Enver Bijedić.

Iz delegacije Sindikata:

Ismet Bajramović, predsjednik Saveza samostalnih sindikata BiH, Salih Kruščica, Rifat Mahmutović, Omer Sikira, Šaban Kadirić, Avad Bahto, Selvedin Šatorović.

Iz delegacije Poslodavaca:

Safudin Čengić, predsjednik Udruženja poslodavaca Federacije BiH, Mladen Pandurević, Seid Kapetanović, Predrag Čović, Edin Ibrahimpašić, Tomislav Slišković, Selim Babić.

Sjednici nisu prisustvovali: Zukan Helez i Selim Babić.

Osim članova Ekonomsko-socijalnog vijeća sjednici su prisustvovali: Zoran Mikulić, federalni ministar pravde, Džana Kadribegović i Ernevaza Hrustanović iz Federalnog ministarstva rada i socijalne politike.

DNEVNI RED

1. Usvajanje zapisnika sa redovne 91-15. i V vanredne sjednice ESV-a;
2. Nacrt zakona o izmjenama i dopunama Zakona o stečajnom postupku;
3. Prijedlog zakona o izmjenama i dopunama Zakona o izvršnom postupku;
4. Prijedlog zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc;
5. Razno.

Predloženi dnevni red je usvojen.

Ad. 1

Zapisnik sa 91-15. sjednice ESV-a usvojen je nakon primjedbe delegacije Sindikata da je u dijelu diskusije tačke Ad.2 tražio da termin „nekvalitetan i nekoristan djelatnik“ bude izbrisan iz dokumenta Federalne direkcije robnih rezervi.

Primjedba predstavnika Poslodavaca na Zapisnik sa Vanredne sjednice ESV-a odnosila se na Ad 3, alineja 1:

- Ekonomsko-socijalno vijeće je zaključilo da delegacije Poslodavaca i Sindikata do ponedjeljka 03.12.2012.godine(do kraja radnog dana) međusobno razmjene primjedbe na utvrđeni Prijedlog zakona o radu, sa prijedlogom za rješenje spornih članova Zakona i iste dostave resornom ministarstvu na uvid.

Poslodavci smatraju da se alineja treba ispraviti, odnosno da Sindikat i Poslodavci dostave najviše tri primjedbe na ZOR.

Preslušavanjem audio zapisa sa sjednice ESV-a, registrovano je da je Predsjednik ESV-a tražio suglasnost za gore navedeni zaključak, na što je gđin.Safudin Čengić rekao da bi se trebale dostaviti najviše tri primjedbe na ZOR sa prijedlozima za rješenje. Nakon toga zaključak nije preformuliran, niti se tražila suglasnost na preformulirani zaključak .

Ad. 2

Zoran Mikulić, federalni ministar pravde, napravio je uvodno izlaganje o Nacrtu zakona o izmjenama i dopunama Zakona o stečajnom postupku, te naglasio da Nacrt predstavlja dobar osnov koji se može nadograđivati.

Predstavnici Poslodavaca konstatirali su da navedeni Nacrt zakona ima određenih poboljšanja, ali smatraju da treba donijeti novi zakon koji bi modernije regulirao ovu oblast. Pored ostalog, zakon bi trebao tačno definirati nadležnosti, dužinu stečajnog postupka, očuvati kritičnu masu zaposlenih, te ići u javnu raspravu. Sugeriraju da se u njegovoj izradi konsultira i Hrvatski zakon o predstečajnom postupku.

Predstavnici Sindikata takođe smatraju da se treba dati prilika za iznošenje primjedbi u javnoj raspravi. Ujedno upućuju na važnost predstečajne i prinudne uprave, i na činjenicu da neplaćanje poreza, doprinosa i plaća u roku od jedne godine treba da posluži kako indikator.

Predstavnici Poslodavaca su se složili sa navedenim i predlažu da se u zakonu definiraju mjere koje bi bile primjenjene u ovakvim situacijama.

Ekonomsko-socijalno vijeće je zaključilo da podržava Nacrt zakona o izmjenama i dopunama Zakona o stečajnom postupku, te poziva socijalne partnere da se uključe u javnu raspravu i time doprinesu poboljšanju i modernizaciji zakona.

Ad. 3

Nakon uvodnog izlaganja ministra Zorana Mikulića o Prijedlogu zakona o izmjenama i dopunama Zakona o izvršnom postupku, predstavnici Sindikata iznijeli su da ostaju pri zahtjevu da se u budžetu Federacije BiH planiraju sredstva u visini od 1,5 - 2% za izvršenje sudskih rješenja. Smatraju da ta suma nije velika, jer bi izdvajanje malih iznosa sredstava moglo, u nekim slučajevima, dovesti do zapljene imovine i posljedično još većih problema. Također navode da bi izdvajanje sredstava podstaklo pregovaranje i rješavanje problema, te konačno dovelo do zaustavljanja procesa utuživanja.

Predstavnici Poslodavaca smatraju da je tekst zakona bolji od prijašnjeg. Po pitanju izdvajanja sredstava razumiju kako je teško u današnjoj situaciji održavati financijsku stabilnost, pogotovo na nivou Federacije BiH. Međutim, kako pojedine općine već godinama ne plaćaju svoje dugove, smatraju da bi bilo dobro da Ministarstvo financija razmisli o iznosu koji bi mogao da se izdvoji u tu svrhu.

Predstavnici Vlade naglašavaju da se planira prema mogućnostima i prioritetima, uz nastojanje da se prilagodimo trenutnoj situaciji. Federalni ministar pravde smatra da bi Ministarstvo financija trebalo napraviti analizu potrebnih sredstava i kako do njih doći, uz napomenu da se ovaj zakon treba shvatiti kao zakon koji štiti prava i interese povjerilaca, te prema presudu suda omogućiti da se to pravo i ostvari.

ESV je zaključilo da socijalni partneri nemaju usaglašene stavove o predloženom amandmanu na Prijedlog zakona o izmjenama i dopunama Zakona o izvršnom postupku. Predstavnici Sindikata i Poslodavaca podržavaju Prijedlog zakona pod uslovom da se prihvati amandman po kojem bi se u budžetu Federacije BiH planirala sredstva za izvršenje sudskih rješenja, dok predstavnici Vlade smatraju da treba planirati prema mogućnostima i prioritetima, odnosno da treba prihvatiti postojeće rješenje u budžetu, jer u trenutnim okolnostima ovaj amandman nije prihvatljiv.

Ad.4

Uvodno izlaganje o Prijedlogu zakona o autocesti na Koridoru Vc i amandmanima Vlade Federacije BiH na Prijedlog zakona o autocesti na Koridoru Vc iznio je resorni ministar Enver Bijedić, navodeći da je usvajanje zakona predloženo po hitnoj proceduri.

Na pitanje predstavnika Sindikata o novom zapošljavanju po ugovorenim poslovima, predstavnici Vlade odgovorili su da je na ovim poslovima već radilo 2500 radnika, a očekuje se da će raditi oko 5000 radnika.

Predstavnici Poslodavaca podržavaju namjeru Vlade FBiH da skrate procedure oko provedbe ovog projekta i preporučuju da se i drugi bitni projekti rješavaju na sličan način kao i Koridor Vc.

Socijalni partneri podržavaju donošenje Zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc, uz preporuku da se i realizacija drugih značajnih projekata rješava na sličan način kao i Koridor Vc.

Ad. 5

Ministrica okoliša i turizma obratila se ESV-u sa prijedlogom da se u Nadzorni odbor za praćenje implementacije Pravilnika o upravljanju ambalažom i ambalažnim otpadom imenuje jedan član. S obzirom da su u rješavanju ovog pitanja najviše učestvovali poslodavci, Udruženje Poslodavaca će predložiti jednog člana za Nadzorni odbor.

U vezi najave štrajka upozorenja zdravstvenih radnika i akta upućenog od strane Federalnog ministarstva rada i socijalne politike u kojem je data napomena da će socijalni partneri na sjednici ESV-a raspravljati o usklađivanju neto(bruto) satnice, delegacija

Sindikata je skrenula pažnju na izmijenjeni član 9. Opšteg kolektivnog ugovora za tritoriju Federacije BiH, kojim je utvrđeno da Vlada Federacije BiH automatski usklađuje neto(bruto) satnicu najmanje jednom godišnje, a u slučaju izvanrednog povećanja troškova života većih od 5% obavezna je povećati svaka 3 mjeseca.

Stav Poslodavaca je, da se o usklađivanju neto(bruto) satnice socijalni partneri dogovaraju na sjednici Ekonomsko-socijalnog vijeća.

Sjednica Ekonomsko-socijalnog vijeća zaključena je u 17:30 sati.

Na kolegiju ESV-a bit će utvrđen dnevni red i datum održavanja naredne sjednice ESV-a.

Zapisnik pripremila
Snježana Kapić

Predsjednik
Ekonomsko-socijalnog vijeća
Edhem Biber